

文档信息

宋書

009 / 100

66 段 6388 字

433 种 661 个标注

繁体中文

本紀第九 後廢帝

宋書 009 卷九

[標] 沈約

史部 / 正史 / 二十四史 / 宋書 / 009 卷九 本紀第九 後廢帝

本篇关键词

纪年

泰始二年[466] 1

元徽元年[473] 1

泰豫元年[472] 1

大明七年[463] 1

地点

京城 5

豫州 4

江州 2

人物

褚淵 9

景素 7

袁粲 6

平王 5

晉熙王 5

河南王 4

文官

尚書令 8

南徐州刺史 7

郢州刺史 7

州刺史 6

中書監 6

南豫州刺史 5

荊州刺史 4

武官

護軍將軍 8

光祿大夫 7

鎮軍將軍 6

開府儀同三司 5

安西將軍 4

其他

成王 5

小字 2

薨 2

←008 卷八 本紀第八 明帝

目錄

010 卷十 本紀第十 順帝→

0 卷九 本紀第九 後廢帝

1 廢帝諱昱，字德融，小字慧震，明帝長子也。大明七年正月辛丑，生於衛尉府。太宗諸子在孕，皆以周易筮之，即以所得之卦為小字，故帝字慧震，其餘皇子亦如之。泰始二年，立為皇太子。三年，始制太子改名昱。安車乘象輅。六年，出東宮。又制太子元正朝賀，服袞冕九章衣。

2 泰豫元年四月己亥，太宗崩。庚子，太子即皇帝位，大赦天下。尚書令袁粲、護軍將軍褚淵共輔朝政。乙巳，以護軍將軍張永為右光祿大夫，撫軍將軍安成王為揚州刺史。己酉，特進、右光祿大夫劉遵考改為左光祿大夫。

3 五月丁巳，以吳興太守張岱為益州刺史。戊辰，緣江戍兵老疾者，悉聽還。班劍依舊入殿。

4

六月壬辰，詔曰：「夫興王經制，實先民隱，方求廣教，刑於四維。朕以瑩眇，夙膺寶歷，永言民政，未接聽覽，眷言乃顧，無忘鑒寐。可遣大使分行四方，觀採風謠，問其疾苦。令有拂民，法不便俗者，悉各條奏。若守宰威恩可紀，廉勤允著，依事騰聞。如獄訟誣枉，職事紕繆，惰公存私，害民利己者，無或隱昧。廣納芻輿之議，博求獻藝之規。巡省之道，務令精洽，深簡行識，俾若朕親覽焉。」又詔曰：「夫寢夢期賢，往誥垂美，物色求良，前書稱盛。朕以冲昧，嗣膺寶業，思仰述聖猷，勉弘政道，興言多士，常想得人。可普下牧守，廣加搜採。其有孝友聞族，義讓光閭，或匿名屠釣，隱身耕牧，足以整厲澆風，扶益淳化者，凡厥一善，咸無遺逸。虛輪佇帛，俟聞嘉薦。」京師雨水，詔賑卹二縣貧民。乙巳，尊皇后曰皇太后，立皇后江氏。

5 秋七月戊辰，崇拜帝所生陳貴妃為皇太妃。

6 閏月丁亥，罷宋安郡還屬廣興。己丑，割南豫州南汝陰郡屬西豫州，西豫州廬江郡屬豫州。甲辰，以新除征西將軍、開府儀同三司、荊州刺史蔡興宗為中書監、光祿大夫，安西將軍、鄧州刺史沈攸之為鎮西將軍、荊州刺史，南徐州刺史劉秉為平西將軍、鄧州刺史，新除太常建平王景素為鎮軍將軍、南徐州刺史。

7 八月戊午，新除中書監、左光祿大夫、開府儀同三司蔡興宗薨。

8 冬十月辛卯，撫軍將軍劉韞有罪免官。辛未，護軍將軍褚淵母憂去職。

9 十一月己亥，新除平西將軍、鄧州刺史劉秉為尚書左僕射。辛丑，護軍將軍褚淵還攝本任。芮芮國、高麗國遣使獻方物。

10 十二月，索虜寇義陽。丁巳，司州刺史王瞻擊破之。

11 元徽元年^[473]春正月戊寅朔，改元，大赦天下。壬寅，詔曰：「夫緩法昭恩，裁風茂典，蠲憲貸咎，訓俗彝義。朕臨馭宸樞，夤制氓宇，式存寬簡，思孚矜惠。今開元肆宥，萬品惟新，凡茲流斥，宜均弘洗。自元年以前貽罪徙放者，悉聽還本。」

12 二月乙亥，以晉熙王燮為鄧州刺史。

13 三月丙申，以撫軍長史何恢為廣州刺史。婆利國遣使獻方物。戊戌，以前淮南太守劉靈遺為南豫州刺史。

14 夏五月辛卯，以輔師將軍李安民為司州刺史。丙申，河南王遣使獻方物。

15 六月壬子，以越州刺史陳伯紹為交州刺史。乙卯，特進、左光祿大夫劉遵考卒。壽陽大水，己未，遣殿中將軍賑卹慰勞。丙寅，以左軍將軍孟次陽為兗州刺史。

16 秋七月丁丑，散騎常侍顧長康、長水校尉何翌之表上所撰諫林，上自虞、舜，下及晉武，凡十二卷。

八月辛亥，詔曰：「分方正俗，著自虞冊，川谷異制，煥乎姬典。故井遂有辨，閭伍無雜，用能七教克宣，八政斯序。雖綿代殊軌，沿革異儀，或民懷遷俗，或國尚興徙，漢陽^地列燕、代之豪，關西熾齊、楚之族，並通籍新邑，即居成舊。洎金行委御，禮樂南移，中州^地黎庶，極負揚、越。聖武造運，道一閔區，貽長世之規，申土斷之制。而夷險相因，盈晦遞襲，歲饑凋流，戎役惰散，違鄉寓境，漸至繁積。宜式遵鴻軌，以為永憲，庶阜俗昌民，反風定保。夷胥山^地之險，澄瀚海^地之波，括河圖於九服^地，振玉軻於五都矣。」祕書丞^文王儉表上所撰七志三十卷。京師旱。甲寅，詔曰：「比亢序騫度，留熏燿晷，有傷秋稼，方貽民瘼。朕以眇疚，未弘政道，囹圄^地尚繁，枉滯猶積，夕厲晨矜，每惻于懷。尚書令^文可與執法以下，就訊眾獄，使冤訟洗遂，困弊昭蘇。頒下州郡，咸令無壅。」癸亥，鎮軍將軍^武、南徐州刺史^文建平王^王景素^名進號鎮北將軍^武。庚午，陳留王^王曹銑薨^葬。

- 18 九月壬午，詔曰：「國賦氓稅，蓋有恒品，往屬戎難，務先軍實，徵課之宜，或乖昔准。湘、江二州，糧運偏積，調役既繁，庶徒彌擾。因循權政，容有未革，民單力弊，歲月愈甚。永言矜歎，情兼宵寐。可遣使到所，明加詳察。其輸違舊令，役非公限者，並即蠲改，具條以聞。」丁亥，立衡陽王^王疑子^{伯玉}^名為南平王^王。
- 19 冬十月壬子，以撫軍司馬^武王玄載為梁、南秦二州刺史^文。癸酉，割南兗州^地之鍾離、豫州^地之馬頭，又分秦郡^地、梁郡、歷陽^地置新昌郡^地，立徐州^地。
- 20 十一月丙子，以散騎常侍^文垣閔為徐州刺史^文。丁丑，尚書令^文袁粲^名母喪去職。
- 21 十二月癸卯朔，日有蝕之。乙巳，司空^文、江州刺史^文桂陽王^王休範^名進位太尉^文，尚書令^文袁粲^名還攝本任，加號衛將軍^武。癸亥，立前建安王世子^王伯融^名為始安縣王^王。丙寅，河南王^王遣使獻方物。
- 22 二年春正月庚子，以右光祿大夫^武張永^名為征北將軍^武、南兗州刺史^文。
- 23 二月己巳，加護軍將軍^武褚淵^名中軍將軍^武。
- 24 三月癸酉，以左衛將軍^武王寬為南豫州刺史^文。
- 25 夏四月癸亥，詔曰：「頃列爵敘勳，銓榮酬義，條流積廣，又各淹闕。歲往事留，理至逋壅，在所參差，多違甄飭。賞未均洽，每疚厥心。可悉依舊准，並下注職。」
- 26 五月壬午，太尉^文、江州刺史^文桂陽王^王休範^名舉兵反。庚寅，內外戒嚴^軍。加中領軍^武劉劭^名鎮軍將軍^武，加右衛將軍^武齊王平南將軍^武，前鋒^武南討，出屯新亭^地。征北將軍^武張永^名屯白下，前南兗州刺史^文沈懷明^名戍石頭，衛將軍^武袁粲^名、中軍將軍^武褚淵^名入衛殿省^地。壬辰，賊奄至，攻新亭壘^地。齊王拒擊，大破之。越騎校尉^武張敬兒斬休範^名。賊黨杜黑蠡、丁文豪分軍向朱雀航^地，劉劭^名拒賊敗績，力戰死^葬之。右軍將軍^武王道隆^名奔走遇害。張永^名潰於白下，沈懷明^名自石頭奔散。甲午，撫軍^武典籤^武茅恬開東府^地納賊，賊入屯中堂。羽林監^武陳顯達^名擊大破之。丙申，張敬兒等破賊於宣陽門、莊嚴寺^地、小市，進平東府城^地，梟擒群賊。賞賜封爵各有差。丁酉，詔京邑二縣埋藏所殺賊，并戰亡者，復同京城^地。是日解嚴^地，大赦天下，文武賜位一等。戊戌，原除江州^地逋債，其有課非常調、役為民蠹者，悉皆蠲停。詔曰：「頃國賦多騫，公儲罕給。近治戎雖淺，而軍費已多，廩藏虛罄，難用馭遠。宜矯革淫長，務在節儉。其供奉服御，悉就減撤，雕文靡麗，廢而勿修。凡諸游費，一皆禁斷，外可詳為科格。」荊州刺史^文沈攸之^名、南徐州刺史^文建平王^王景素^名、郢州刺史^文晉熙王^王燮、湘州刺史^文王僧虔^名、雍州刺史^文張興世^名並舉義兵^軍赴京師。己亥，以第七皇弟友為江州刺史^文。芮芮國^國遣使獻方物。

- 六月庚子，以平南將軍齊王為中領軍、鎮軍將軍、南兖州刺史。癸卯，晉熙王變遣軍剋尋陽，江州平。戊申，以淮南太守任農夫為豫州刺史，右將軍、南豫州刺史王寬進號平西將軍。壬戌，改輔師將軍還為輔國。
- 28 秋七月庚辰，立第七皇弟友為邵陵王。辛巳，以撫軍司馬孟次陽為兖州刺史。乙酉，鎮西將軍、荊州刺史沈攸之進號征西大將軍，鎮北將軍、南徐州刺史建平王景素進號征北將軍，並開府儀同三司。征虜將軍、郢州刺史晉熙王變進號安西將軍，前將軍、湘州刺史王僧虔進號平南將軍。
- 29 八月辛酉，以征虜行參軍劉延祖為寧州刺史。
- 30 九月壬辰，以游擊將軍呂安國為兖州刺史。丁酉，以尚書令、新除衛將軍袁粲為中書監，即本號開府儀同三司，領司徒，加護軍將軍褚淵尚書令，撫軍將軍、揚州刺史安成王進號車騎將軍。
- 31 冬十月庚申，以新除侍中王蘊為湘州刺史。甲子，以游擊將軍陳顯達為廣州刺史。
- 32 十一月丙戌，御加元服，大赦天下。賜民男子爵一級；為父後及三老孝悌力田者爵二級；鰥寡孤獨篤癯不能自存者，穀人五斛；年八十以上，加帛一匹。大酺五日；賜王公以下各有差。
- 33 十二月癸亥，立第八皇弟躋為江夏王，第九皇弟贊為武陵王。
- 34 三年春正月辛巳，車駕親祠南郊、明堂。
- 35 三月丙寅，河南王遣使獻方物。己巳，以車騎將軍張敬兒為雍州刺史。其日，京師大水，遣尚書郎官長檢行賑賜。
- 36 閏月戊戌，詔曰：「頃民俗滋弊，國度未殷，歲時屢騫，編戶不給。且邊虞尚警，徭費彌繁，永言夕惕，寢興增疚。思弘豐耗之制，以惇約素之風，庶侍蓄拯民，以康治道。太官珍膳，御府麗服，諸所供擬，一皆減撤，可詳為其格，務從簡衷。」
- 37 夏四月，遣尚書郎到諸州檢括民戶，窮老尤貧者，蠲除課調；丁壯猶有生業，隨宜寬申；貲財足以充限者，督令洗畢。丙戌，車駕幸中堂聽訟。
- 38 六月癸未，北國使至。兼司徒袁粲、尚書令褚淵並固讓。
- 39 秋七月庚戌，以粲為尚書令。壬戌，以給事黃門侍郎劉懷珍為豫州刺史。
- 40 八月庚子，加護軍將軍褚淵中書監。
- 41 九月丙辰，征西大將軍河南王吐谷渾拾貲進號車騎大將軍。
- 42 冬十月丙戌，高麗國遣使獻方物。
- 43 十二月乙丑，以冠軍將軍姚道和為司州刺史。
- 44 四年春正月己亥，車駕躬耕籍田，大赦天下。賜力田爵一級；貸貧民糧種。壬子，以梁、南秦二州刺史王玄載為益州刺史。
- 45 二月壬戌，以步兵校尉范柏年為梁、南秦二州刺史。丁卯，加金紫光祿大夫王琨特進。
- 46 夏五月，以寧朔將軍武都王楊文度為北秦州刺史。乙未，尚書右丞虞玩之表陳時事曰：

天府虛散，垂三十年。江、荆諸州，稅調本少，自頃以來，軍募多乏。其穀帛所入，折供文武。豫、兗、司、徐，開口待哺，西北戎將，裸身求衣。委輸京都，蓋為寡薄。天府所資，唯有淮、海。民荒財單，不及曩日。而國度弘費，四倍元嘉。二衛臺坊人力，五不餘一；都水材官朽散，十不兩存。備豫都庫，材竹俱盡；東西二塢，塼瓦雙匱。敕令給賜，悉仰交市。尚書省舍，日就傾頽，第宅府署，類多穿毀。視不遑救，知不暇及。尋所入定調，用恒不周，既無儲畜，理至空盡。積弊累耗，鍾於今日。昔歲奉敕，課以揚、徐眾逋，凡入米穀六十萬斛，錢五千餘萬，布絹五萬匹，雜物在外，賴此相贍，故得推移。即今所懸轉多，興用漸廣，深懼供奉頓闕，軍器輟功，將士飢怨，百官騫祿。署府謝雕麗之器，土木停緹紫之容，國戚無以贍，勳求無以給。如愚管所慮，不月則歲矣。

48 經國遠謀，臣所不敢言，朝夕祇勤，心存於匪懈。起伏震遽，事屬冒聞。伏願陛下留須臾之鑒，垂永代之計，發不世之詔，施必行之典。則氓隸齊歡，高卑同泰。

49 帝優詔答之。庚戌，以驍騎將軍曹欣之為徐州刺史。

50 六月乙亥，加鎮軍將軍齊王尚書左僕射。

51 秋七月戊子，征北將軍、南徐州刺史建平王景素據京城反。己丑，內外纂嚴。遣驍騎將軍任農夫、冠軍將軍黃回北討，鎮軍將軍齊王總統眾軍。曲赦南徐州。始安王伯融、都鄉侯伯猷賜死。辛卯，豫州刺史段佛榮統前鋒馬步眾軍。甲午，軍主、左軍將軍張保戰敗見殺。黃回等至京城，與景素諸軍戰，連破之。乙未，剋京城，斬景素，同逆皆伏誅。其日解嚴。丙申，大赦天下，封賞各有差。原京邑二縣元年以前逋調。辛丑，以武陵王贊為南徐州刺史。

52 八月丁卯，立第十皇弟翽為南陽王，第十一皇弟嵩為新興王，第十二皇弟禧為始建王。庚午，以給事黃門侍郎阮佃夫為南豫州刺史。乙酉，以行青、冀二州刺史劉善明為青、冀二州刺史。

53 九月丁亥，割郢州之隨郡屬司州。戊子，驍騎將軍高道慶有罪，賜死。己丑，車騎將軍、揚州刺史安成王進號驃騎大將軍、開府儀同三司，安西將軍、郢州刺史晉熙王變進號鎮西將軍。

54 冬十月辛酉，以吏部尚書王僧虔為尚書右僕射。宕昌王梁彌機為安西將軍、河涼二州刺史。丙寅，中書監、護軍將軍褚淵母憂去職。十一月庚戌，詔攝本任。

55 五年春二月壬申，以建寧太守柳和為寧州刺史。

56 四月甲戌，豫州刺史阮佃夫、步兵校尉申伯宗、朱幼謀廢立，佃夫、幼下獄死，伯宗伏誅。

57 五月己亥，以左軍將軍沈景德為交州刺史，驍騎將軍全景文為南豫州刺史。丙午，以屯騎校尉孫曇瓘為越州刺史。

58 六月甲戌，誅司徒左長史沈勃、散騎常侍杜幼文、游擊將軍孫超之、長水校尉杜叔文，大赦天下。

59 七月戊子夜，帝殞於仁壽殿，時年十五。己丑，皇太后令曰：

60

衛將軍、領軍、中書監、八座：昱以冢嫡，嗣登皇統，庶其體識日弘，社稷有寄。豈意窮凶極悖，自幼而長，善無細而不違，惡有大而必蹈。前後訓誘，常加隱蔽，險戾難移，日月滋甚。棄冠毀冕，長襲戎衣，犬馬是狎，鷹隼是愛，早歷軒殿之中，韓縹宸扆之側。至乃單騎遠郊，獨宿深野，手揮矛鋌，躬行剗斷，白刃為弄器，斬害為恒務。捨交戟之衛，委天畢之儀，趨步闐闐，酣歌壚肆，宵遊忘反，宴寢營舍，奪人子女，掠人財物，方筭所不書，振古所未聞。沈勃儒士，孫超功臣，幼文兄弟，並豫勳效，四人無罪，一朝同戮。飛鏃鼓劍，孩稚無遺，屠裂肝腸，以為戲謔，投骸江流，以為歡笑。又淫費無度，帑藏空竭，橫賦關河，專充別蓄，黔庶嗷嗷，厝生無所。吾與其所生每厲以義方，遂謀酖毒，將騁凶忿。沈憂假日，慮不終朝。自昔辛、癸，爰及幽、厲，方之於此，未譬萬分。民怨既深，神怒已積，七廟隳危，四海褫氣。

61 廢昏立明，前代令範，況迺滅義反道，天人所棄，鬱深牧野，理絕桐宮。故密令蕭領軍潛運明略，幽顯協規，普天同泰。驃騎大將軍安成王體自太宗，天挺淹叡，風神凝遠，德映在田。地隆親茂，皇曆攸歸，億兆係心，含生屬望。宜光奉祖宗，臨享萬國。便依舊典，以時奉行。未亡人追往傷懷，永言感絕。

62 太后又令曰：「昱窮凶極暴，自取灰滅，雖曰罪招，能無傷悼。棄同品庶，顧所不忍。可特追封蒼梧郡王。」葬丹陽秣陵縣郊壇西。

63 初昱在東宮，年五六歲時，始就書學，而惰業好嬉戲，主帥不能禁。好緣漆帳竿，去地丈餘，如此者半食久，乃下。年漸長，喜怒乖節，左右有失旨者，輒手加撲打。徒跣蹲踞，以此為常。主帥以白太宗，上輒敕昱所生，嚴加捶訓。及嗣位，內畏太后，外憚諸大臣，猶未得肆志。自加元服，變態轉興，內外稍無以制。三年秋冬間，便好出遊行，太妃每乘青箴車，隨相檢攝。昱漸自放恣，太妃不復能禁。單將左右，棄部伍，或十里、二十里，或入市里，或往營署，日暮乃歸。四年春夏，此行彌數。自京城剗定，意志轉驕，於是無日不出。與左右人解僧智、張五兒恒相馳逐，夜出，開承明門，夕去晨反，晨出暮歸。從者並執鋌矛，行人男女，及犬馬牛驢，值無免者。民間擾懼，晝日不敢開門，道上行人殆絕。常著小袴褶，未嘗服衣冠。或有忤意，輒加以虐刑。有白梃數十枚，各有名號，鍼椎鑿鋸之徒，不離左右。嘗以鐵椎椎人陰破，左右人見之有斂眉者，昱大怒，令此人袒胛正立，以矛刺胛洞過。於耀靈殿上養驢數十頭，所自乘馬，養於御床側。先是民間訛言，謂太宗不男，陳太妃本李道兒妾，道路之言，或云道兒子也。昱每出入去來，常自稱劉統，或自號李將軍。與右衛翼輦營女子私通，每從之遊，持數千錢，供酒肉之費。阮佃夫腹心人張羊為佃夫所委信。佃夫敗，叛走，後捕得，昱自於承明門以車轢殺之。杜延載、沈勃、杜幼文、孫超，皆躬運矛鋌，手自鬻割。執幼文兄叔文於玄武湖北，昱馳馬執槊，自往刺之。制露車一乘，其上施篷，乘以出入，從者不過數十人。羽儀迫之恒不及；又各慮禍，亦不敢追尋，唯整部伍，別在一處瞻望而已。凡諸鄙事，過目則能，鍛鍊金銀，裁衣作帽，莫不精絕。未嘗吹簫，執管便韻。天性好殺，以此為歡，一日無事，輒慘慘不樂。內外百司，人不自保，殿省憂遑，夕不及旦。

齊王順天人之心，潛圖廢立，與直閣將軍王敬則謀之。七月七日，昱乘露車，從二百許人，無復鹵簿羽儀，往青園尼寺，晚至新安寺就曇度道人飲酒。醉，夕扶還於仁壽殿東阿氈幄中臥。時昱出入無恒，省內諸閣，夜皆不閉。且群下畏相逢值，無敢出者。宿衛並逃避，內外無相禁攝。王敬則先結昱左右楊玉夫、楊萬年、呂欣之、湯成之、陳奉伯、張石留、羅僧智、鍾千載、嚴道福、雷道賜、戴昭祖、許啟、戚元寶、盛道泰、鍾千秋、王天寶、公上延孫、俞成、錢道寶、馬敬之、陳寶直、吳璩之、劉印魯、唐天寶、俞孫等二十五人，謀共取昱。其夕，敬則出外，玉夫見昱醉熟無所知，乃與萬年同入氈幄內，以昱防身刀斬之。奉伯提昱首，依常行法，稱敕開承明門出，以首與敬則，馳至領軍府，以首呈齊王。王乃戎服，率左右數十人，稱行還，開承明門入。昱他夕每開門，門者震懾不敢視，至是弗之疑。齊王既入，曉，乃奉太后令奉迎安成王。

65 史臣曰：喪國亡家之主，雖適末同途，發軔或異也。前廢帝卑遊褻幸，皆龍駕帝飾，傳警清路；蒼梧王則藏璽懷紱，魚服忘反，危冠短服，匹馬孤征。至於殞身覆祚，其理若一。姬、夏之隆，質文異尚，亡國之道，其亦然乎。

←008 卷八 本紀第八 明帝

目錄

010 卷十 本紀第十 順帝→



籍海淘浪是什么

「籍海淘浪」是一个将古籍中的专有名词标注出来，使文本更易读，并希望依靠大家的慧眼，将主题鲜明的片段摘录出来，让更多人发现古籍之「有料、有趣、有用」的平台。

一个已标注专词的古籍文本库：籍海淘浪定期发布精校、已标注专词的古籍，并提供划词字典、划词维基等工具。利用专词、词典、维基，读者无需注释、译文，即可比较流畅地阅读，不再有「瞻前顾后」、被干扰阅读的烦恼。

一个面向话题的笔记创作、分享社区：籍海淘浪提供了易用的工具，方便读者创作摘录笔记：拖选文本 + 点击「划线」按钮即可快速收藏文本片段；有所感时，只需拖选相应文本，填写标题、标签、评注，即可发布一篇主题摘录，并可在摘录页面与同好互动讨论。您还可导出自己的收藏和创作，留作方便温习、分享的笔记本。

以下功能仅线上版本可用

- 划词查字典、查维基；
- 点击专词，获取纪年、帝王、政权详情的历史信息面板；
- 全部关键词统计，关键词跳转、导航浏览；
- 片段收藏、做摘录笔记、主题讨论；
- 文档、段落热力标识，源出、衍生、事论等关系的文档网络；
- 个人阅读管家；
- 文本修订工具；
- 标注修订工具，可纠正标注的错、漏，并提交新标注；
- 全文繁简转换；
- 提交文档需求、功能需求、意见建议等；
- 更多待你发掘……

发现『有趣、有料、有用』的古籍



文档标注日常修订、更新中，您看到的版本可能已经陈旧，请访问页眉链接查看最新版本，欢迎在线上为更好的标注增砖添瓦！